



Universitätsbibliothek Paderborn

Agenda, Sev Ritvale Osnabrvgense

Franz Wilhelm <Osnabrück, Bischof>

Coloniæ Agrippinæ

Ritus, servandus, cum Episcopus baptizat.

urn:nbn:de:hbz:466:1-41233

Ritus, servandus, cum Episcopus
baptizat.

SI Episcopus parvulos vel adultos baptizare voluerit, parantur & servantur omnia, ut superius de ordine Baptismi dictum est, atque hac præterea, quæ infra notantur.

Adsynt Capellani, vel alii Presbyteri & Clerici, superpelliceis induiti, qui ei assitant ac ministrant.

Ipse vero super rochetum, accipiat albam, & cingulum, & stolam, & pluviale violacei coloris, ac mitram: atque ita paratus cum ministris procedat ad Baptismi ministerium. Et, dum interrogat: N. Quid petis ab Ecclesia D E I ? ac, dum facit reliquas interrogations, sedet cum mitra: cum vero exsufflat, dicendo, Exi ab eo, immunde spiritus; surgit cum mitra. Rursus sedet, cum signat Catechumenum signo Crucis in fronte & pectore, vel dicit: Accipe signum Crucis, &c. Et, cum dicit Orationes quæ præcedunt vel sequuntur benedictionem salis, surgit, deposita mitra: similiter, cum ipsum salem benedicit. Cum autem salem benedictum immittit in os baptizandi, mitram accipit & sedet. Cum vero legit Exorcismos, & dum, saliva aures & nares Catechumeni tangens, dicit, Ephpheta, ac dum introducit eum in Ecclesiam, stat cum mitra. Cum autem dicit, Credo in D E V M Patrem, &c. & Pater noster, super Catechumenum, stat sine mitra. Sed cum no-

men

men querit, & interrogat: N. Abrenuntias Satanæ, &c. & baptizandum, Oleo sacro, in pectore & inter scapulas, inungit; & sedet cum mitra: quo facto, accipit stolam, & pluviale album. Et, cum rursus interrogat de fide, Credis in D E V M , &c. Vis baptizari, &c. & cum baptizat per infusionem, sedet cum mitra. Si vero baptizat per immersionem, mitram retinens, stare debet.

Cum demum Chrismate verticem baptizati linit, & dat ei vestem candidam, & candelam accensam, ac dicit, Vade in pace, &c. sedet cum mitra.

Qua omnia pro faciliiori Baptizantium commoditate superius, in Baptismo parvolorum, in margine sunt annotata.

Si autem Pontifex quempiam, à Presbytero jam catechizatum, tantum baptizare voluerit, sic paratus vestibus albis incipiat, postquam ad Baptisterium deuentum fuerit, dicens: Quo nomine vocaris? Resp. N. Episcopus interrogat: N. Credis in Deum Patrem omnipotentem, &c. & prosequitur usque in finem, juxta Ordinem Baptismi, ut supra.

Benedictio Fontis Baptismi extra Sabbatum Paschæ & Pentecostes, cùm aqua consecrata non habetur.

Primum, lavatur & mundatur vas baptisterii, deinde limpida aqua repletur. Tum Sacerdos cum suis Clericis, vel etiam aliis Presbyteris, Cruce, &

duobus

PAG. 14
& seqq.
usque ad
28.

PAG. 24.